

DOA UNTUK ANGGOTA-ANGGOTA GEREJA SEJAGAT

Doa untuk paroki and keuskupan

Tuhan kepada semua Ciptaan, kami berdoa untuk paroki dan keuskupan kami, agar senantiasa memperhatikan tangisan bumi dan mempromosikan tenaga yang bersih, udara segar dan air bersih untuk semua, serta melindungi ciptaanMu khususnya biodiversiti dan iklim. Semoga kami menemukan semula panggilan asal kami sebagai penjaga rumah kita bersama dan juga orang lain.

Doa untuk keluarga

Tuhan, pencinta orang-orang miskin, kami berdoa untuk semua keluarga agar mereka mejadi "tempat dimana kehidupan – anugerah Tuhan – dapat disambut and dilindungi dengan baik". Semoga mereka ambil peduli akan tangisan orang-orang miskin dan berusaha untuk mencapai kepenuhan hidup untuk semua, terutama kepada mereka yang lemah dan yang diabaikan oleh masyarakat.

Doa untuk hospital dan institusi penjagaan kesihatan

Allah yang peduli, kami berdoa untuk institusi kami, terutama hospital dan pusat-pusat rawatan kesihatan agar dapat bertumbuh dalam keupayaan untuk merawat. Semoga kita semua memahami dan menghargai perbuatan konkrit dan gaya hidup sederhana yang memungkinkan orang lain untuk hidup dan berkembang.

Doa untuk sekolah-sekolah dan universiti

Allah Pengetahuan dan Kebajikan, bantulah kami untuk "bertumbuh dalam solidariti, tanggungjawab dan kasih sayang." Semoga sekolah-sekolah dan universiti-universiti kami, khasnya, mempromosikan pendidikan yang dapat membantu memulihkan "keharmonian dalam diri kita, dengan orang lain, dengan alam dan makhluk ciptaan Tuhan yang lain, dan dengan Tuhan."

Doa untuk Organisasi

Allah Tritunggal, bantulah gerakan kami, NGO, pusat komunikasi, dan semua kumpulan yang bekerja untuk kebaikan bersama, untuk memperdalamkan kerohanian solidariti global yang berasal dari Misteri Tritunggal, komuniti cinta yang saling berkaitan.

Doa untuk Ekonomi

Allah yang Maha-Murah, bantulah kami untuk "menyatukan pelbagai bidang pengetahuan, termasuk ekonomi," dan mempromosikan "pembangunan integral yang baharu". Semoga kita berusaha menuju paradigma ekonomi baharu demi kebaikan bersama, "tanpa meninggalkan siapa pun.

Doa untuk komuniti-komuniti religious

Tuhan yang menyatukan, semoga kami menjadi komuniti yang berpartisipasi dalam tindakan membela bumi dan orang miskin. Bantulah kami untuk menjadi komuniti yang memimpin dengan rendah hati dalam menjaga rumah kediaman bersama dan melindungi mereka yang lemah di tengah-tengah kami.